

Wenn do et föhls

Musik & Text Björn Heuser / Verlag: HEUSERMUSIK, GMO Publishing

Dä Planet brennt, un de Luff steiht still,
dat Jras es drüsch un brung, un sehnt sich noh ner Avvköhlung.
Do setz vür mir, dräs e Kleid, un söns nit vill,
dinge eetzte Sommer he, su wick fott vun dingem Doheim.

De Moskitos han Huhsaison,
op d'r Söök noh sößem Bloot,
dat do dat häs, dat es jar kein Froch;
un nit nur dat an dir es söß,
do es suvill andres noch...

**Un do fröchs: wie schriev mer Liebe,
welche Buchstabe, jroß oder klein,
ich sage leis, läch dinge Steff fott,
do bruchs et nit ze schrieve, wenn do et föhls,
wenn do et föhls.**

Do wells suvill sage, doch fähle dir die Wööt,
Häng un Fööss sin en Bewäjung, un die Laache mät mich fruh.
Minge Zeijefinger jespitz op mingem Mund sät,
loss ding Auge spreche Mädsche, mir verstonn uns suwiesu.

Jrille zirpe, als jöv et kei Morje mieh,
et litt irjendet en der Luff,
su e Jeföhl hat ich lang nit mieh,
dä Mond liss ming Jedanke,
un do in dingem kleine Boch.